

Broj: 01-07-07/3-14-2-1220
Sarajevo, 07.11. 2017. godine

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14), federalni ministar unutrašnjih poslova **d o n o s i**

O D L U K U

o dodjeli ugovora za nabavku i instaliranje sistema vatrodjave u zgradi Federalnog ministarstva unutrašnjih poslova u sjedištu

I

Na osnovu čl. 64. stav (1) tačka b), 69. stav (1) tačka a), 70. i 89. Zakona o javnim nabavkama Bosne i Hercegovine („Službeni glasnik BiH“, broj 39/14) i na osnovu Odluke o pokretanju postupka nabavke i instaliranje sistema vatrodjave u zgradi Federalnog ministarstva unutrašnjih poslova u sjedištu, putem Konkurentskog zahtjeva za dostavu ponuda, broj: 01-06-06/3-14-2-630 od 3. 10. 2017. godine, dodjeljuje se ugovor za nabavku i instaliranje sistema vatrodjave u zgradi Federalnog ministarstva unutrašnjih poslova u sjedištu.

II

Ugovor za nabavku i instaliranje sistema vatrodjave u zgradi Federalnog ministarstva unutrašnjih poslova u sjedištu dodjeljuje se ponuđaču „ARCUS“, d.o.o. Sarajevo, koji je dostavio prihvatljivu ponudu u iznosu od 53.053,77 KM, sa popustom i PDV-om, koja ispunjava sve uslove predviđene Konkurentskim zahtjevom.

III

Obavezuje se Sektor za materijalno - finansijske poslove Federalnog ministarstva unutrašnjih poslova, da shodno Zakonu o javnim nabavkama BiH, pripremi sve potrebne akte za sklapanje Ugovora sa ponuđačem „ARCUS“, d.o.o. Sarajevo.

O b r a z l o ž e n j e

Komisija za provođenje postupaka nabavke svih roba, usluga i radova za 2017. godinu putem konkurentskog zahtjeva za potrebe Federalnog ministarstva unutrašnjih poslova - Federalnog ministarstva unutarnjih poslova, formirana Rješenjem federalnog ministra unutrašnjih poslova, broj: 01-07-07/3-14-2-1220 od 14. 9. 2016. godine, provela je postupak po Konkurentskom zahtjevu za dostavu ponuda za nabavku i instaliranje sistema

Bosna i Hercegovina, 71 000 Sarajevo, M. Spahe 7. telefon (+387 33)-280-020, lokal 3100, fax(+387 33)-590-218, www.fmup.gov.ba



vatrodojave u zgradi Federalnog ministarstva unutrašnjih poslova u sjedištu, objavljenom na Portalu javnih nabavki, broj: 405-7-3-37-3-21/17 od 10. 10. 2017. godine. Tom prilikom izvršila je razmatranje, analizu i ocjenu dvije blagovremeno prispele ponude ponuđača: 1. „ARCUS“, d.o.o. Sarajevo, ukupna ponuđena cijena sa PDV-om i popustom iznosi 53.053,77 KM i 2. „BS Telecom Solutions“, d.o.o. Sarajevo (grupa ponuđača, zajedno sa „Projecta“ d.o.o. Mostar), ukupna ponuđena cijena sa PDV-om i popustom „iznosi 83.570,91 KM.

Nakon ispitivanja, Komisija je utvrdila da ponuda grupe ponuđača „BS Telecom Solutions“ d.o.o. Sarajevo i „Projecta“ d.o.o. Mostar nije prihvatljiva jer ne sadrži sve tražene dokumente, odnosno ne sadrži važeće ovlaštenje (Tačka c) 2) Tenderske dokumentacije- Sposobnost obavljanja profesionalne djelatnosti) za oba člana grupe (dostavljeno je ovlaštenje samo za „Projecta“ d.o.o. Mostar) za obavljanje djelatnosti građenja/izvođenja radova na građevinama visokogradnje (stambene i nestambene građevine), za građevine i zahvate iz nadležnosti Federalnog ministarstva prostornog uređenja, i to:

- elektroinstalacijski radovi (slaba struja), što podrazumjeva uvođenje/postavljanje sistema tehničke zaštite objekata (dojava i zaštita od požara), izdata od strane Federalnog ministarstva prostornog uređenja (svi članovi grupe bili su obavezni posebno dostaviti/pripremiti za svakog člana grupe ponuđača navedeno ovlaštenje, a kako je propisano tačkom c) 5), Tenderske dokumentacije-Posebno definisani uslovi ukoliko ponudu dostavlja grupa ponuđača.

Ponuda ponuđača „ARCUS“ d.o.o. je prihvatljiva jer sadrži sve tražene dokumente.

Komisija je uzela u obzir i tačku d) 5) Tenderske dokumentacije, koja se odnosi na primjenu preferencijalnog tretmana domaćeg.

Shodno navedenom a vođen Izvještajem o radu Komisije i preporukom o dodjeli Ugovora, Ugovorni organ je odlučio kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka.



Dostaviti:

1. Ponuđaču,
2. Sektoru za mat.-fin. poslove FMUP-a,
3. Kabinetu ministra - Odsjek za odnose sa javnošću
(za potrebe objave na internetskoj strani FMUP-a – Ugovornog organa),
4. U spis,
5. a/a.

DŽĆ/GM

FMUP-ODL